

四庫全書

子部

欽定四庫全書

子部

元和姓纂卷七

詳校官中書臣金應琦

員外郎臣牛稔文覆勘

謄錄監生臣李承厚

欽定四庫全書

元和姓纂卷七

上聲混韻  
至元韻

二十一混

本

姓苑有本氏

二十三旱

罕夷

左傳晉大夫罕夷之後

唐  
林寶  
撰

二十四綏

管

文王子叔鮮封於管因氏焉管夷吾字敬仲任齊又

管至父燕有管少卿

按世本管氏自莊仲山生敬仲夷吾夷吾生武子鳴鳴生桓子

啓方啓方生成子孺孺生莊子廬廬生悼子其夷其夷生襄子武武生景子耐步耐步生微

北海 管少卿九代孫管寧魏太中大夫晉有南夷

校尉管彥

平原 漢末袁譚將東安太守管統魏少府丞管輅

字公明

纂

姓苑云義興人

河南官氏志纂連氏改為纂氏

瑄

何氏纂要云人姓

二十五潛

阪上

上黨屯留人其先居阪上曰氏焉見傳餘顧複姓錄

二十六產

產

國語注云祝產已姓

彭城 姓苑云彭城有產氏

棧

見姓苑

任城 魏志棧潛

簡

周大夫簡師父之後

二十七銑

典

見風俗通

陳留 魏志有校尉典韋生滿

洗

又音線南海人見姓苑

二十八獮

展

魯孝公子展之後孫無駭生展禽又展喜展莊叔並  
其後也梁善畫人展見乾

河南 官氏志輒遲氏改為展

蹇

左傳秦蹇叔後漢小黃門蹇石

雋



見姓苑

渤海 漢京兆尹雋不疑之後

免

左傳衛有免餘亦音問漢免乙為上郡太守

善

善卷古時高士見呂氏春秋

鮮陽

漢有揚州刺史鮮陽進其孫滔散騎常侍

二十九條

蓼

咎繇子之後

太原

案蓼國杜預註在安豐蓼縣通志作壽州霍邱此太原乃蓼氏望出太原非其故地

皋

陶之後封蓼以國氏焉唐有羽林將軍晉陽公蓼崇

業

鳥俗

伯益仕堯有養鳥獸之功賜姓鳥洛氏支孫又以路

洛為氏史記曰大費子太廉為鳥俗氏俗誤作洛

三十小

趙

帝顓頊伯益嬴姓之後益十三代孫造父善御事周  
穆王受封趙城因以為氏衰盾之後分晉為諸侯都  
邯鄲王遷為秦所滅子代王嘉嘉子公輔主西戎居  
隴西

天水西縣 公輔十三代孫融後漢右扶風大鴻臚

融曾孫密晉南蠻校尉生嶷茂隋左僕射蒲州刺史  
生元恪元愷元叔元楷元恪隋兵部侍郎元愷唐長  
安令毛州刺史元叔隋工部員外元楷兵部郎中殿  
中監武強公生崇基崇道崇嗣崇素崇孝崇基符璽  
郎生慶逸逸生演大理司直演生備令言令言生佩  
玕珣玘玕鳳翔少尹珣少府監玘通事舍人崇道太  
僕少卿鄧州刺史崇嗣虞部郎中商州刺史生揆夷  
州刺史崇素水部郎中司農少卿崇孝鄧州刺史芬

兄士亮

案上有脫文

生方改海唐職方郎中太僕少卿生

本道本質道生思謙琮珽琮晉陽令珽義王之友生

懋伯河南尹懋伯生素肇本質泗州刺史密次子崑

六代孫超宗後魏岐州刺史生仲懿尚書左丞仲懿

生甓金城公左僕射冀州刺史甓生信丞正臣正臣

生德皆唐殿中丞超宗弟令勝後魏河北太守孫懷

訥廣州刺史總管懷化公生慈景慈皓慈景駙馬兵

部侍郎華州刺史生節裳奉御慈皓巴州刺史生持

滿左衛郎將

下邳 漢丞相趙周之後十二代孫廡魏廣陵太守  
元孫裔晉平原太守以宋武外祖贈金紫光祿大夫  
生正倫宋領軍正倫生伯符丹陽尹七代孫綽唐左  
領軍將軍生璉屯田郎中魏州刺史瓌駙馬右千牛  
衛將軍壽州刺史女為中宗妃追冊和思皇后子欽  
仁

金城 與天水同前涼有趙顯

扶風 漢太常大夫趙禹今無聞

平原 後漢太傅趙喜之後本南陽宛人徙平原喬  
孫奉伯後魏洛陽令生彥琛北齊尚書司徒太傅宜  
陽文獻王生元將仲將叔將公方仲將隋吏部尚書  
生義綱唐戶部侍郎叔將邛州刺史生尹平秘書郎  
公方隋大理正生仁溥義高

河間蠡吾縣 本名潁川亦趙王遷後漢京兆尹廣  
漢之後徙河間喬孫全穀本名鍾唐金部員外洪州

都督

中山 稱本自天水徙中山曲陽今定州鼓城縣後  
周信州長史趙達孫協生寶符寶符生不器不器生  
夏日和璧冬曦安貞居貞彙貞顓貞兄弟七人舉進  
士自寶符至冬曦安貞孫鄒又五代進士冬曦中書  
舍人國子祭酒生湛屯田郎中國子祭酒生鄒安貞  
給事中居貞比部員外吳郡太守採訪使生昌工部  
尚書華州刺史顓貞員外職方郎中安西都護協孫



不疑不疑考功員外生良公太子舍人

新安 稱自天水徙焉後周有肅生軌軌生宏智唐  
黃門侍郎兄宏安度支郎中

南陽穰縣 稱自天水徙焉後魏有太常卿趙鑒生  
榮隋庫部侍郎生德言唐主客員外德言生景仁泰  
景好時令生敷先殿中侍御史敷先生驊比部郎中  
秘書監致仕驊生宗儒給事中平章事刑部尚書仁  
泰南和令生慎已慎庶慎已郃城丞生駟京兆士曹

參軍生涉渾涉侍御史生侏伉伸侏監察御史伉昭  
應尉生璘璜璉渾大理丞生儋佶佶兼監察御史慎  
庶殿中御史

酒泉 隋右武侯大將軍趙才才生趙興唐左金吾  
大將軍生文皎左金吾大將軍文翽營州都督文巖  
生昌戶部員外皎孫連膳部郎中

陝郡河北縣 狀稱後漢大鴻卿趙融後七代孫瑤  
後魏河北太守因居焉瑤六代孫仁本同三品左丞

生諠諫諠左司郎中孫景門下侍郎平章事生元亮  
諫羽林將軍

汲郡 本自天水徙焉唐宜祿尉昭夷子趙貞固生  
徵主客員外生需左司郎中

河東 狀云自天水徙焉唐監察御史趙君煦曾孫  
良器良弼中書舍人生密邑董復縱袞密檢校戶部  
員外都水師者河南少尹復中書舍人生元陽真長  
元陽滁州刺史真長監察御史縱戶部侍郎生公昌

季黃君煦兄孫珍和州刺史生匡贊匡洋州刺史贊

戶部侍郎生虔

長平 狀云自天水徙澤州唐有玉鈐將軍趙廉生

承恩鴻臚卿

信都 尚書左丞趙涓生博元博宣博文博宣監察

御史

諸郡趙氏 尚書左丞華州刺史趙昇卿臨汝人戶

部郎中趙謙光汲郡人司水部員外趙自勤河南人

膳部郎中賓客起居舍人趙晉並河東人給事中趙  
文湖州刺史趙昝微陽翟人殿中監趙計河東人兵  
部員外趙子卿長安人虞部郎中趙履冲下博人司  
封郎中趙昂馮翊郃陽人利州刺史趙儋絳州人檢  
校工部尚書黔中節度沂國公趙國珍黔中人弟國  
玉改名孝先檢校員外趙鼎生震監察御史司農卿  
趙履温萬年人范陽節度使趙含章醴泉人

矯

左傳晉大夫矯父漢將軍矯望

扶風 後魏矯慎扶風人

北海 郭頒世語北海高士矯應

螭

顛頊元孫螭牛之後舜祖也禮記有螭固

繞

左傳秦大夫繞朝之後

小王

左傳衛大夫小玉桃甲之後

小施

禹後姒姓有小施氏見史記

擾龍

劉累之後漢有侍御史擾龍羣又擾龍宗為侍御史  
詣董卓白事不解劍卓搃殺之

趙陽

漢少府趙陽鴻治孟氏易

表黎

改為黎氏

三十一巧

鮑

姒姓夏禹之後有敬叔任齊食采於鮑因氏焉敬叔  
生叔牙曾孫國世為齊卿

東海剡縣 漢太尉昱子德始居東海永嘉亂過江  
居丹陽德裔孫泉梁信州刺史泉弟隋均州刺史平



遠孫安仁唐滁州刺史

襄陽 狀云宣之後開元有鮑思遠生防京兆尹工部尚書

河南 官氏志云俟力氏改為鮑

絞

左傳有絞國在隨唐之南以國為氏

三十二皓

棗

本姓棘子成後因避難改後漢棘柱頴川長棗祇為  
陳留太守生趙趙生據字道彥太子中庶子生朏高

老

風俗通云顓頊子老童之後左傳宋有老佐論語老  
彭即彭祖也或云老氏老聃老萊子之後

保

周禮保章氏因官為姓呂氏春秋云楚保申

昊

風俗通云昊英氏之後一云少昊之後

浩星

漢有浩星公治穀梁李廣傳有浩星公又浩星賜元

國所善

案趙充國傳有所善浩星賜元乃充字之誤

浩生

孟子齊賢人浩生不害

老成

老成子賢人裔孫老成方仕宋為大夫著書十篇言

黃老之道

老萊

老萊子古賢人著書

老陽

神仙傳秦有老陽子白日昇天

考城

老城氏或為考城氏考城子古賢人也著書述黃老之道列子有考城子幼學於尹先生

三十三寄

左

齊氏公族有左右公子因以氏焉魯左邱明楚左史  
倚相

齊國臨淄縣 邱明之後魏左雍為侍御史生思官  
至秘書郎神仙傳有左慈

南陽沮陽縣 後漢左雄尚書令唐宣州都督戴國  
公左難當宣州人云其後也

我

風俗通云我子六國時人著書號我子

左人

仲尼弟子左人郢魯人見史記

左史

古者左史記言因氏焉楚有左史倚相

左尹

楚左尹卻宛之後穀梁有左尹子息

可沓

梁河南王可沓振

可地

改為延

三十四果

火拔

北蕃酋領也

三十五馬

馬

嬴姓伯益之後趙王子奢封馬服君子孫氏焉奢孫  
興趙滅徙咸陽

扶風茂陵 漢馬權為將軍生阿邏

案漢書阿邏作何羅

通通

封重合侯生昌昌生况余援余生歆融融南郡太守  
援子廖女為明德皇后生章帝歆十一代孫默後魏  
雍州治中生思歡歡生祚祚生重隋京兆府長史生  
匡武匡儉匡武瀛州刺史襄城公匡儉生克忠咸陽



尉克忠生構措構駕部員外湖州刺史生曾擇擇兵

部員外河間太守生著署

案唐世系表作皆此作署

署生逢監察

御史歆十二代孫岫西魏上柱國扶風公孫懿為唐

均州刺史襄陽公後魏平州刺史馬榮之狀稱南郡

太守融後生熙熙生亮亮生琮亮曾孫正會左武衛

將軍鄴州都督生暹晁晟晟生璘檢校左僕射涇原

節度生盱晞盱代州都督皓左神武將軍暹光祿

卿生昂江陵令琮曾孫知廉尚食奉御

京兆 狀云融後北齊治書御史馬觀國元孫顧唐  
兵部員外自周齊代居憲府舊號御史馬家顧生光  
粹光淑粹生矩該真矩該生總安南都護光淑左司  
郎中宋州刺史生僖

郟郡 後魏章武太守馬晁元孫吳陔唐監門將軍  
荊州長史生大通大均大通孫頴榮州刺史大均甘  
州刺史生崇臺左羽林將軍生瓊慶州都督瓊生銳  
鉉錫銳揚府司馬鉉兼中丞生淑錫諫議大夫號州

刺史

荏平

北齊荏平令馬暹因家焉生瑗本郡戶曹主

事生周中書高唐公周生載恂載左丞吏部侍郎生

觀觀觀吏部郎中生元振元拯恂河南令丹州刺史

臨安

唐嵐州刺史大同軍使馬季龍狀稱歆後生

炬炫炬生當右諭德炫刑部侍郎工部尚書致仕

燧司徒兼侍中北平郡王生彙暢彙太僕少卿暢少

府監生繼祖

西河 隋太子洗馬馬隋孫元素太府卿生元直金  
部員外元直生迪迪檢校郎中生翊增

廣陵 唐吏部侍郎秘書監常山文公馬懷素生觀

觀生繼

諸郡馬氏 唐左驍衛將軍馬文舉長安人左衛武  
軍馬四達檢校員外馬丹華陰人馬吉甫馬光嗣正  
平人兄秦客右常侍

賈

唐叔虞少子公明康王封於賈後為晉所滅以國為氏

長樂 漢長沙王太傅賈誼洛陽人十代孫龔居武威龔孫詡魏太尉生璣長樂令隸相州裔孫琚後魏潁川太守生昭申申生廉廉生均清河南郡兵曹均生言道言忠言忠考功吏二員外生曾閔剡曾中書舍人禮部侍郎生深至深職方郎中徐廬夔岳四州刺史至中書舍人禮兵二侍郎京兆尹右常侍生系

泉州刺史璣曾孫國後燕代郡太守曾孫叔願後魏  
散騎常侍聘齊使孫慈明北齊華山王諮議生仲璣  
唐滄州魯城令魏尚書賈興元孫雲霽唐合州刺史  
代居坊州中部縣生成元珪元敏案元敏下疑  
脫元珪二字資興  
令元敏舒州牧

宛句 誼九代孫秀玉後漢武威太守又家武威玉  
曾孫演演孫真晉兗州刺史宛句後又徙宛句真元  
孫思祖後魏龍驤將軍元孫暨北齊太守生式隋鄱

陽郡司空生敦實顛滄洛等州刺史生宣譽敦實司  
封大夫右庶子生承恩伯業伯起伯饒伯招伯卿膺  
福通理承恩洛州武州均州司馬生弇全全越州刺  
史浙東觀察伯業庫部郎中生茂宗膺福兵部郎中  
左常侍

洛陽 狀稱誼後梁中軍長史賈宏生勰北齊青州  
刺史孫憲生處靜處澄處靜成州長史生慶言刑部  
郎中滑州刺史慶言生晉恒處澄生元禕元禕生季

鄰季良奉天尉季良生岌檢校員外岌生稜種稜大  
理評事季鄰長安主簿生岌疑

河東 晉有散騎常侍賈弼生匪之宋太宰參軍希  
鑑齊外兵郎撰永明氏族狀生執梁少府太傅講學  
撰姓氏英賢傳北齊鉅鹿太守賈延慶云其支族也  
延慶曾孫德達唐大理丞生楚珪歸州刺史

廣平 狀云稱賈翊之後北齊國子助教猷曾孫元  
彥唐太學博士生元贊大隱元贊太學博士大隱中



書舍人禮部侍郎生幼知日新

樂陵 賈誼之後唐沁水丞賈元琰生就左僕射司  
空平章事生疇疇昧太子中允疇司農主簿

河內野王 中書舍人登陝郡庫部郎中賈彥璋

濮陽 工部員外賈彥璿弟彥璉評事水部郎中賈  
昇刑部郎中賈虛舟侍御史賈仁英魏郡人侍御史  
賈令思河東人右常侍御史大夫賈隱

夏

夏后氏之後以國為姓又陳宣公孫御叔亦為夏徵舒其後也

馬師

世本鄭穆公有馬師之官馬師頡馬師朔馬師黥列仙傳有馬師皇

馬適

趙將趙奢號馬適君因氏馬

案此條當改入馬服姓下漢功臣表有單侯馬

適育當增入此脫又誤以馬服君改馬適君

馬矢

莊子有馬矢子

咤上音野下音  
鐵都結反

案此姓注  
文原本缺

夏侯

夏侯之後至東樓公封為杞侯至簡公為楚惠所滅  
弟他奔魯魯悼公以夏侯受爵為侯因氏焉後去魯  
之沛居譙遂為郡人漢有太僕夏侯嬰譙國人嬰孫

夏侯建建三代孫妙才魏征西將軍轉博昌侯生霸  
仕蜀雍州牧郤侯七代孫詳左僕射豐城公生夔夔  
生審端唐秘書監梓州刺史審端生德昭吉州刺史  
德昭生遵業遵本又後魏左光祿夏侯道謙為譙郡  
太守子孫因家焉弟叔明檢校右僕射劔南東川節  
度生昇兼御史大夫昇生仲仲生昊彭州刺史

夏父

左傳魯大夫夏父弗忌宋大夫夏父微

夏后

史記禹為夏后因國氏焉

夏里

漢四皓夏里黃公河內軹人

社北

風俗通云凡氏於職社北五鹿有社北大夫因氏焉

沛郡 漢有社北羣為郡上計

三十六養

掌

魯大夫黨氏之後揚雄與劉歆書云林間蜀郡掌氏

琅邪 晉有琅邪掌同

燉煌 前涼有遂興侯掌據

仇

人姓梁州有仇啓

鞅

見姓苑

賞

江南有賞氏

驪

皮養切

姓苑云人姓

長孫

河南洛陽 後魏獻帝拓拔與鄰七分其國兄弟各統領之第三兄為長孫氏孝文帝以嵩宗室之長改為長孫氏長兄為紇骨氏次兄普氏孝文改為周氏

太和中詔代北人並為河南洛陽人道武時有上黨

王長孫道北平王長孫嵩上黨靖王道生後魏司空

旃旃生觀

案魏書道生于抗抗子觀此作道生旃旃生觀蓋與唐世系表同誤

為殿中

尚書生稚西魏尚書令太師生子裕紹遠澄攜巫案魏

書稚凡五子子彦子裕紹遠士亮李亮又子彦本名雋此所載與唐史同與魏書異又澄亦觀之子此作

稚子與唐表亦不合雋誤作攜子裕西魏右武侯將軍平原公生兕

後周絳州刺史平原公生熾晟欽義莊熾隋戶部尚

書饒陽公生代

案唐世系表名安世此避唐諱為代

代生祥刑部尚書



御史大夫孫孝紀左司員外郎晟隋右驍衛將軍唐  
贈司空齊獻公晟女為太宗文德皇后晟生无乃无  
傲无憲无忌无逸无憲生安業唐左監門將軍无忌  
吏部尚書侍中中書令右僕射司徒太尉趙國公在  
相位三十四年生冲渙濬温淨淑  
案唐世系淑作淑澤冲秘  
書駙馬孫元翼宣州刺史渙中州刺史濬淨並奉御  
淑成州刺史敞宗正少卿汴州總管生无虎右監門  
將軍義莊荊州刺史紹遠西魏大司空上黨公生監

案周書作覽此作監

周大司徒薛公隋宜州刺史生寬龕操清

案唐世系表清作洪

唐晉州刺史寬生昭郢州刺史昭生仲宣

庶幾仲宣孫鑄倉部員外郎庶幾生勗西河太守龕

房州刺史曾孫子哲信安太守右金吾大將軍操金

部郎中歸州長史生憲誼鑒詮憲屯田郎中德州刺

史誼睦州刺史生泳屯田員外郎鑒曾孫湯詮駙馬

尚輦奉御稚三子澄周秦州刺史義文公生嶸緯軌

始愷嶸生績績生和人司農少卿緯曾孫貞隱太常

博士軌元孫端梁州司農生續全緒續長安令全緒  
右金吾將軍宋州刺史生雅正駙馬愷生順德澤州  
刺史驃騎將軍邳襄公元孫有隣和州太守順德姪  
暉駙馬黃州刺史稚第四子攜後魏尚書令平高公  
生毗隋工部尚書絳公稚五子巫周秦州刺史清都  
公生大敏唐職方員外大敏生希範司門員外北平  
王嵩後魏太尉五代孫慶明後名儉周僕射荊州總  
管鄒公生平徹平隋工部尚書襄陽公生師禮唐膳

部郎中徹生文則庫部郎中集生讓光州刺史敦生  
師黃門侍郎師生訥言

北海 梁賈執姓氏英賢傳云北海長孫氏左王魚  
家後

上官

楚懷王子蘭為上官邑大夫因氏焉秦滅楚徙隴西  
之上邽漢右將軍安陽侯桀生安桑樂侯女為昭帝  
皇后拜車騎將軍以反誅裔孫勝

天水

蜀太尉上官勝生二子曰茂曰先茂

案下有東郡上

官先元孫迴此應作先徙居東郡作茂誤

徙居東郡

京兆

上官茂裔孫霽後魏藁城公生思慎思慎生

昇後周秦州刺史生政隋西郡太守義清公政生懷

仁唐右武將軍舒州刺史政少師

案政已見前此有脫誤

裕安

州刺史安義生翼伯翼伯生義同義同生宗素宗素

生式

東郡

上官先元孫迴後周定襄太守孫宏隋比部

郎中江都總監因居揚州生儀西臺侍中平章事二  
子庭芝庭璋庭芝周王府屬生怡容庭璋太子僕射  
生經野經國經緯經緯生詔侍御史

壤駟

風俗通息公子邊為大夫氏焉

案此有脫誤

漢有光祿大

夫宜陵侯壤駟射

案家語孔子弟子有壤駟赤秦人

奕鳩

左傳奕鳩附庸國伏羲後風姓也

養由

楚養由基之後

三十七蕩

党

本出西羌姚秦將軍党耐虎自云夏后氏之後代居  
羌豪又吳平男党娥子孫居同州

馮翊 後魏寧州刺史北地公党宏六代孫党仁宏  
唐陝西鞏州刺史廣都公生敬元濮州刺史監門將

軍婺州都督党孝安職方郎中党睦並同州人

華陰 姚秦羽林監党成後徙華陰

許音晃呼浪反

姓苑云人姓

廣

風俗通云廣成子之後

廣成

神仙傳廣成子古仙人居崆峒山黃帝造焉



三十八梗

丙

齊大夫丙馱之後漢功臣表有高苑侯丙猜傳封八

代

魯國 漢丞相博陽侯丙吉代居於魯晉大夫丙豫

食采於丙因氏焉齊有丙意茲漢士丙丹

北海朱虛縣 魏有丞相徵士丙原字根矩孫後周

信州總管丙明丙明生粲唐監門大將軍應國公高

祖與之有舊以姓犯諱賜姓李氏粲生寬太常卿寬

生孝旻

案唐書李元紘傳元紘父道廣祖寬此於寬下止載生孝旻脫道廣一人

紀王戶

曹孝旻生承業承業承嘉承業絳州刺史承嘉御史大夫

戶部尚書道廣殿中監平章事益州長史金城侯生

元綜元繹元紘元緘元綜屯田郎中荊州長史生舒

工部郎中舒生莒元紘戶吏中書三侍郎平章事戶

部尚書致仕生有孚有容有功元緘鄆州刺史

景

芊姓楚公族也漢初徙山東豪族於關中今好時華  
陰諸景是也楚有景風吳志有西湖人景養

廣陵 後漢景鸞善詩易辟不起見儒林傳

平陽 後漢燕錄有平陽人景安

河東 唐河南少尹景延廣案此與五代之景延廣非一人生彬

邴

晉邴豫食采於邴因氏焉

秉

漢有秉寬

猛

左傳猛足

案左傳作猛獲

永

見姓苑

梗陽

秦宣太后弟封梗陽君因氏焉漢有駙馬都尉梗陽  
犍晉有梗陽巫臯漢有侍御史謁者梗陽貞

邴意

齊大夫邴意茲之後

三十九耿

耿

殷時侯國晉所滅因氏焉

四十靜

靖

風俗通單靖公之後以謚為姓一云齊田氏之族靖

郎君之後中山著姓略云河東裴公續娶散騎常侍  
章公中山靖延康之女

陳留 隋有靖德立與格處仁等為八俊

井

穆天子傳周有大夫井利又天子為井公博左傳虞  
大夫井伯漢司徒掾井宗

四十四有

有

風俗通有巢氏之後仲尼弟子有若魯人漢有祿業姓

氏急就篇云風俗通漢光祿勳有光  
今本風俗通無此句亦無有祿之名

### 柳

周公孫魯孝公子展展孫無駭以王父字為展氏生

禽食采柳下遂姓柳氏魯滅楚狂業唐世系表作楚  
滅魯仕楚原本脫

誤秦并天下柳氏遂遷於河東

河東解縣 秦末有柳安惠裔孫也始居解縣字會

孫隗漢齊相六代孫豐後業豐後漢人光祿勳六代

孫僧習

案唐世系表豐六世孫軌晉吏部尚書生景猷 晉侍中二子者純者太守號西卷二子恭

琰恭後魏河東郡守南徒汝穎遂仕江表曾孫緝宋州別駕宋安郡守生僧習據此則僧習乃豐十二世

孫也此本作六代孫 僧習與唐書不合 後魏尚書右丞生鸞慶虬檜鶯

生帶韋周黃門侍郎帶韋生祚續祚生震範幹震郢

州刺史生俊棣州刺史範尚書右丞生齊物案唐世系表祚

生齊物齊物生範範生喜此以範為祚子齊物為範子與世系表不合 睦州刺史生喜

喜生奇并案唐世系表并有淡字 中行案并殿中侍御史生道

倫案唐世系表并作并孫 淡字中庸洪府戶曹幹工部員外生



渾儒渾孫奕昇州刺史儒戶部郎中孫翊膳部員外

續儀曹郎中慶後魏右僕射平齊景公生機宏旦肅

勃機隋納言建安簡公生述逃遼逞述隋兵部尚書

逃職方郎中生允莽允隴州刺史曾孫叔瑞端

唐世系

表作叔璘州刺史生應規兼殿中御史允孫光庭祠

部員外薊州都督

唐世系表光庭弟允庭薊州都督

達考功郎中逞

禮部郎中旦隋黃門侍郎生燮則綽楷融亨燮都官

郎中生

案此下脫子房二字

子寶子房戶部侍郎則生奭中書

令河東肅公奘生知人水部員外綽膳部郎中楷濟  
州刺史生融子敬子夏融孫元寂主客員外撫州刺  
史子敬生約房州刺史子夏生從心從裕從裕生察  
躬躬生鎮侍御史鎮生宗元禮部員外亨岐州刺史  
太常卿生子陽子貢子陽生誠言誠言生渙澤渙中  
書舍人澤華州刺史子貢孫良器冀州刺史肅隋史  
部郎中生大隱台州刺史虬周中書侍郎生鴻漸蔡  
年止戈待價鴻漸五代孫暉寧州刺史蔡年生睿之

諤之頴之挺之審之隋黃門侍郎生威明慈明然明

威明吏部郎中慈明職方郎中孫弼貝州刺史慤辰

州刺史都督曾孫立然明施州刺史諤之生保隆膳

部郎中頴州案唐世系表頴州當作頴之屯田員外孫存業宿州

刺史生栖朝案唐世系表無朝字媯州刺史挺之中書舍人止

戈孫建案唐世系表建係止戈五代孫金部郎中待價孫言恩祠部

郎中檜生雄亮亮生贊都官郎中曾孫鄭卿咸安太

守賁次子攄五代孫懷表生該謨該生岑岑生澄温

潭温光祿少卿潭駙馬太僕卿生晟右金吾大將軍

晟生暈韓王傅杲駙馬謨衛州刺史曾孫紳柳州刺

史昂周内史隋禮部尚書文成公生調行臺丞敏

唐案

世系表作後魏車騎大將軍汾州刺從祖弟道茂生

史懿生敏隋上大將軍武德郡公

孝斌斌生客尼五臣寶積客尼生明偉義川令明偉

生正已正禮正已孫甫正禮邠州司戶生子華

案唐世系

表于華作子兼子温子金子平子華池州刺史子温丹州刺

史生公綽公權公綽湖南觀察兼中丞公權

案公權太子太

保此有  
脫文  
子金南鄭令明亮曾孫惟則檢校員外生湛

和州刺史案唐世系表明謹和寶積職方員外生明

州刺史係五臣子

逸刑部員外明肅度支郎中東眷卓過江生輔恬傑

奮輔生平歸北孫敬起生和粹和孫詵生杲仁崇禮

崇禮房州刺史生固節仲矩粹七代孫季華恬生元

景淑宗淑珍案唐世系表恬生憑憑生叔宗叔珍元景司空淑宗生彥

緒齊尚書彥緒生悛愷忱怡悛梁僕射曲江公生昞

暉映昞生裘周内史大夫隋大將軍元孫湛右金吾

將軍暉梁吏部尚書生顧言隋秘書監漢南公顧言  
生遜遜生尚真司門員外映生莊爽陳度支尚書爽  
曾孫慶休生識渾識屯田郎中徵不起渾兵部左常  
侍平章事暉梁侍中生姬愷梁侍中吏部侍郎尚書  
淑珍生慶遠季遠慶遠梁侍中雍州刺史雲杜侯生  
津梁兵部尚書津生仲禮敬禮仲禮梁州刺史西魏  
侍中生元或元曾孫滿梁唐世系表  
滿作行滿諫議大夫給事  
中或隋侍書御史生紹左庶子曾孫晦文州刺史或

元孫如芝衡州刺史季遠梁中書侍郎生遐周侍中

霍州刺史生莊隋黃門侍郎生慶孫慶孫生楚賢光

祿少卿杭州刺史楚賢生溫洽沖洽孫昇長安令生

元輔應沖左常侍太子賓客平陽公修國史傑孫雙

虬文明虬生崇文明生元章仲仁季和棠唐世系表元章仲仁季

和俱作雙虬子元章生景賓景鴻景賓元孫季誠金部郎中

揚州刺史景鴻生儉隋書有傳仲仁曾孫崇貞太原

令季貞生賁長安丞季和生贇冀州刺史七代孫貞

案唐世系表季和曾孫貞江州刺史又太子學士柳望江州刺史此作七代孫

彥昭云僧習子虬後生芳職方郎中芳生登冕登秘書省少監冕吏部侍郎福建觀察使濮陽狀云本河東人杭州刺史柳德乂生萬齒齒生翼之馮翊諫議大夫仇其後

俞勅救反

吳興 漢俞東未詳所出姓苑吳志孫韶伯父何本

姓俞吳人也晉將軍俞縱案廣韻不載此字正字通俞即敗字變體作俞然案



歆乃古文好字廣韻集韻俱不言人姓又丑好音亦不同似非一字又姐音紐人姓今高麗人有之疑卽俞字之變

咎

風俗通云湯司空咎單左傳咎舅犯字也

灸

見姓苑

槩

側對反

晉有槩儔今江南襄陽並有此姓

美

古牖字美里殷秋官子孫因氏

酒

周禮酒正因官氏焉見纂要文

有扈

夏初諸侯國也

有偃

皋陶偃姓之後有偃子皋為晉士官

右師

世本宋武公生公子中代為右師因氏焉漢有中郎將右師譚

右歸

潛夫論宋右歸氏子姓也

右尹

楚公子辛為右尹子孫氏焉

右史

右史記事因氏焉周右史戍見世本

右宰

左傳衛大夫右宰穀因官為姓

右將

漢下邳侯右將萬周駱越人

九方

列子秦穆公時九方臯一名甄善相馬

壽西

左傳楚人壽西宜僚亦見莊子

宋左傳無壽西字誤

白季

齊公子白季之後魯有白季宣孟

四十五厚

苟

國語黃帝之後漢有苟實苟參

河南 山陽苟賓世居河南漢有少府儒晉兗州刺

史苟晞字道將弟苟純青州刺史唐監察苟敬恩懷

州人云其後

隴西 符秦衛將軍苟長之後庫部郎中苟言云其  
後

口

羌種也今同州有此姓

耦

風俗通宋卿華耦之後漢有侍中耦嘉

廣平 姓苑云廣平有耦氏

郈

風俗通魯大夫郈昭伯食采於郈因氏焉

母邱

其先食采母邱因氏焉

河東 後漢末將作大匠母邱興生儉魏幽州刺史  
奔吳拜鎮北將軍幽州牧譙侯生旬

四十七寢

沈

周文王第十子聃食采於沈因氏焉今汝南平陽沈亭即沈子國也秦沈郢郢十二代孫戎

吳興武康縣漢光祿勳海昏侯沈戎後居會稽烏

程吳興分烏程為吳郡孫景見後漢書晉沈袞宋沈慶之梁沈約並景後也景生產產生晃規晃孫謙謙

生勉勉生琛琛生祚楚祚生劭之慶之慶之生文昭文昭生毅齊五兵尚書孫巡生君理君攸君高君理陳侍中僕射女為隋煬帝后君高孫悅唐將作少



卿餘杭公生嶷和州刺史嶷生璟瑱瓚璟屯田郎中  
瑱水部員外諫議大夫瓚都水使者慶之生文季後  
魏平南將軍六代孫法牧唐譚州長史慶之宋司空  
始興公生文秀宋左僕射六代孫揚庭唐金壇令孫  
勉寂晉光祿勳生宣宣生懷遠宋侍中遠元孫越賓  
發發生曇慶宋祠部尚書六代孫大禮唐濮陽令琛  
次子楚五代孫君攸陳衛尉卿生叔安唐刑部尚書  
吳興公生訓之道之眷之雋之訓之生成業漢荊州

刺史道之生成福簡台廬等州刺史叔安堂姪緝荆  
州刺史勉次子盤盤七代孫宏周司水大夫宏周孫  
士衡唐陝令生介福餘慶介福王爵員外生易直易  
直大理正女為代宗妃追尊睿聖皇后生德宗易直  
子震濟震秘書少監生房右金吾大將軍濟生華殿  
中監華生翬駙馬餘慶庫部員外生從道右司郎中  
冀州刺史孫對規生鄧晉冠軍長史鄧孫叔生僧朗  
演之僧朗元孫不害陳尚書左丞孫齊家唐秘書郎

生朝宗婺州武義主簿朝宗生既濟克濟既濟進士

唐翰林學士生傳師宏師述師傳師進士吏部侍郎

生樞詢樞進士諫議大夫商州防禦使詢進士浙東

觀察澤潞節度生仁衛進士既濟次子宏師進士不

祿述師長子許十一代案梁沈約乃景後此十孫林

子田子林生暎暎生約梁左僕射特進隱侯約生旋

旋生衆戎案梁書約祖林子生璞璞生約約生旋旋

生寔此以璞作暎以寔作衆戎與本傳不

合次子齊十五代孫恪陳侍中曾孫賁唐大理評事

給事中薛王傅沈務本稱寂孫挺生利賓大理評事  
利賓生忌忌生建迴達達閬州刺史國子祭酒修文  
學士沈伯儀稱彥後孫浩僊浩源浩僊殿中丞浩源  
武功尉生廩庠廩生周明琚珂珂京兆功曹庠監察  
御史生瑱比部郎中澧州刺史沈萬石稱彥後生客  
卿陳刑部尚書生孝澄隋婺州別駕授徒五百人三  
徵不起孫虬之樂平令生迪番陽令迪生竦大曆六  
年進士左庶子生宗本師言師黃中黃左黃宗本蘇

州司倉師言沂州錄事參軍師黃廣州度支使中黃

大理司直生栖遠栖逸左黃監察御史生延蔚栖遠

庶子知制誥翰林學士賓客致仕梁徵詳定禮儀戶

部侍郎栖逸拾遺延蔚著作郎國子博士正諫議大

夫平章事生君諒諒六代孫崧案唐史君諒相武后此平章事應即君諒

生字衍崧係諒元孫此作六代與世系表不合進士

鄴郡內黃 狀云本吳興人唐下邳令生真恠案下邳令

失名恠字亦疑恠生佺期佺交案唐書佺交宇宣佺期中書舍人

太子詹事生之象東美惟清東美給事中夏州都督  
全交濮陽尉

審

漢辟陽侯審食其為右丞相沛郡人

魏郡 後漢末袁紹將審配

枕

姓苑云下邳人

沈尹

楚有沈尹戌沈尹赤沈尹壽沈尹射子孫以官為氏

四十八感

咎

何氏姓苑云咎氏蜀人也晉中興書云桓溫將咎堅  
唐有咎慎盈

咎盧

改為咎

坎氏

英賢傳云宋附庸有坎氏

四十九敢

啖

前秦錄將軍啖鐵

河東 大歷水部郎中啖彥珍會昌中進士啖鱗避

武帝廟諱改澹

五十琰

冉



高辛氏之後一云大夫叔山丹之後

魯國 仲尼弟子冉耕字伯牛冉雍字仲弓冉求字有子又冉孺並魯人未詳所出

雲安冉氏 盤瓠後冉髦之種類也代為巴東蠻夷酋帥陳有南康太守巴東王冉伽軫軫孫安昌唐潭州都督安昌孫寔河州刺史娶江夏王宗女生祖雍刑部侍郎祖雍生太華華子愔

染

石趙錄云石季龍將染閔魏郡內黃人或作冉氏篡  
石趙號魏三年為慕容雋所滅

奄

風俗通云國號也尚書云成王既踐奄左傳秦大夫  
奄息其後也

斂

姚秦錄將軍斂憲斂方斂岐並南安人皆羌酋也

檢

漢末句章尉檢集見姓苑

盍

多音陝且了且反  
合二字為盍音陝

唐上元中有左金吾大將軍闕西節度使盍復弟振  
賁

五十三檻

擻

胡感切

今河內懷州多此氏

五十五范

范

帝堯劉累之後在周為唐杜氏周宣王滅杜范伯之  
子隰叔奔晉為士師曾孫士會食采於范遂為范氏  
越范蠡魏范座項羽謀臣范增居巢人

順陽 南郡屬縣也漢渡遼將軍平陵侯范明友之  
後居順陽晉涼州刺史范晷生廣雅雅生江充州刺  
史江生甯中書侍郎甯生泰宋國子祭酒泰生晏暉  
太子詹事侍郎

錢塘

明友裔孫馥後漢尚書僕射避董卓亂過江

居錢塘縣平吳臨海太守平五代孫皞之宋建安太

守五代孫義顯周王司馬生宏基宏顛宏基國子博

士生安親安仁安親房州別駕生怱怱愔愔大理

評事生傅規怱戶部員外生傅慶太僕少卿安仁生

巨源源生傅氏宏顛秘書少監博州刺史

汝南 金鄉范式之後

代郡 漢博士范滂之後

河內 狀云滂之後唐春官尚書范履冰姪冬芬宣  
州刺史

燉煌 狀云范汪之後職方郎中范季明代居懷州  
云自燉煌徙焉晉范宣陳留人梁范雲南鄉人



元和姓纂卷七

欽定四庫全書

子部

元和姓纂卷八

詳校官中書臣金應琦

員外郎臣牛稔文覆勘

謄錄監生臣袁東直

欽定四庫全書

元和姓纂卷八

去聲送韻  
至夫韻

唐 林寶 撰

一送

仲

高辛氏才子八元仲堪仲熊之後以王父字為氏一

云魯桓公子慶父子孫號仲氏又虺為湯左相子孫

氏馮漢有廷尉仲定少景唐司門員外郎仲子陵成

都人



貢

仲尼弟子端木賜子貢之後以王父字為氏漢有御  
史大夫貢禹

仲孫

慶父子孫號仲孫氏左傳齊有仲孫湫韓子有仲孫  
章

仲行

左傳秦三良仲行之後世本宋有仲行寅晉大夫有

仲行氏

仲梁

魯大夫仲梁懷見左傳後魯有仲梁閔

仲顏

魯有大夫仲顏莊叔齊有大夫仲顏據

仲熊

楚公族有仲熊氏

洞沐

漢有洞沐孟陽治易

二宋

宋

子姓殷王帝乙長子微子啟周武王封於宋傳國三十六世至君偃為楚所滅子孫以國為氏楚有宋義  
宋昌

廣平 昌為漢中尉始居西河介休十二代孫兪生  
恭徙廣平利人侯孫藥師生毓恭弟畿給  
案唐世系表給作洽

恭前燕河南太守毓生良北齊東郡太守良生乾子

皓乾生大辯唐邛州司馬大辯生守恭守慎守儉守

恭遂安令生楚璧兵部郎中杭州刺史守慎襄陽尉

生庭璪庭瑜庭璘庭璪庫部員外庭瑜度支郎中司

農少卿庭瑜生顯常州刺史庭璘兵部郎中深州刺

史守儉洛州刺史生鼎兵部侍郎

案唐世系表  
鼎兵部郎中荆州

長史鼎生悅工部員外郢州刺史悅生稷子皓孫陽

元洛陽尉景孫孝玉北平王文學撰關東風俗生俠

畿後燕衛將軍司馬生榮國曾孫丹

案唐世系表丹作弁後魏

吏部尚書生紀紀生欽道欽仁曾孫務本唐藍田令

生元撫襄州司戶元撫生璟侍郎左丞相廣平文貞

公生昇尚渾恕延華復衡昇祠部員外太僕少卿隨

州刺史生實渾嘉部郎中御史中丞恕都官郎中生

袞太常丞延太原少尹華大理評事生儼佶倚儼蘇

州刺史佶河南尉倚虢州刺史衡檢校左常侍生佖

榮國七代孫慶孫慶孫大理正給後魏七兵尚書孫

謨生欽瓊欽曾孫正文唐秘書郎瓊生仲羨燕渤海  
太守曾孫延慶生長威季緒長威北齊御史中丞孫  
正言洛州司馬季緒生本立立生卓然比部員外益  
州長史

燉煌 漢有宋諒諒裔孫後漢清水公繇曾孫遊道  
繇六代孫壽唐同州郃陽縣令

宏農 狀云昌後自西河徙宏農唐太常丞宋仁回  
生果殺生之問之望之悌之問戶考二員外生昌藻

之望改名之遜荆州刺史之悌太原尹益州長史河  
南劔南節度生若水若思御史中丞若水丹徒令

樂陵 狀云本望出廣平唐雋州都督宋君明生捷  
弼捷固安令生宣遠弼生考玉比部員外君明堂兄  
渭河陽令生思敬思敬生詢吏部郎中左常侍詢生  
晦諫議大夫同州刺史晦生泛泫泛汝州刺史

扶風 唐秦州長史生元爽元獎爽尚書左丞秋官  
侍郎揚洛二州長史生述監察御史元獎晉原尉生

遙适遙禮戶吏侍郎左丞魏汴州刺史适左補闕遙  
生東里東里生華

河南 周黃化令宋道狀云本廣平人曾孫義桐栢

令生溫璉

案此下疑脫溫瑗一人桐栢令亦有誤

溫瑾溫璩溫瑾戶部

侍郎鄭州刺史溫璉太原少尹生寂溫瑗侍郎御史  
生蹇溫璩梓州刺史

京兆 後漢侍中宋宏之後今無聞晉宋甄宋琨唐

都官郎中宋質給事中生搏號州人殿中御史宋務



先洛陽人司農少卿宋遵貴中書舍人宋則並京兆  
人工部郎中宋元昉江夏安陸人生之順戶部員外  
殿中侍御史貝州刺史宋慶禮邯鄲人殿中御史度  
徽邯鄲人

統

見姓苑

三用

用

風俗通古有用國見毛詩漢有高唐令用蚪名士錄

有高唐用

案毛詩有用國未詳  
高唐用下亦有脫字

雍

風俗通周文王第十三子雍伯之後以國為姓今或  
音雍州之雍漢雍齒沛人

四絳

絳

絳縣老人之後

巷

毛詩周巷伯之後

五寘

賜

仲尼弟子端木賜之後以王父名為氏

刺

左傳鄭大夫刺張姓苑云其先封刺鄉因氏焉

案左傳鄭

大夫鄭張鄭古洽切今作刺誤也刺俗刺字

義

風俗通云義伯陽卿也漢有南陽太守義縱

河東義縱代居河東封岸頭侯晉有上庸都尉義欽

智

今有河東智氏漢有零陵太守智嗣

戲

潁川見姓苑又音倍魏志有戲才

譬歷辰

代人改為辰氏

六至

季

陸終氏之子季連之後一云魯桓公子季友之後亦為  
季氏漢功臣表戚園侯季必傳封四代

壽春 姓苑云今壽春有季氏漢河東太守季布弟  
心宋有季高大厯右常侍季廣琛

執

風俗通摯疇古諸侯國毛詩周有摯荒

按摯荒未見毛詩義疏

京兆 長安魏太僕少卿摯模代居京兆生虞晉太常卿光祿勳晉書有傳

駟

左傳鄭穆公子駢字子駟之後以王父字為姓漢恩澤侯表駟侯駟鈞齊哀王舅

冀

左傳冀國今晉州冀氏又晉大夫郤芮食采冀邑亦

為冀氏芮生缺唐侍御史冀元珪太原人子仲輔職

方郎中

案姓氏急就篇  
仲輔作仲甫

祕

漢功臣表戴侯祕彭祖傳七代孫西秦錄有僕射祕

宜

案西秦錄  
宜作宜

肆

風俗通宋大夫肆臣之後

漁陽 漢有漁陽太守肆敏子孫居之

利

漢有利幾又仙人利真元漢陽人風俗通云漢有利  
乾為中山相

河南 官氏志吒利氏改為利氏

遂

左傳有遂國齊人殲于遂因氏焉其後並以遂為姓

貳

左傳楚屈瑕將盟貳軫並小國也今在隋州之南漢



東今隋州有二氏

翠

急就章有翠駕鶩其先楚景之後避難以其祖名氏

馬

案顏師古註作景  
萃之後改翠氏

賈

見姓苑

廬江 今廬州有此姓

備

見姓苑

季孫

魯桓公子友之後子孫號季孫氏生行父文子文子  
生宿武子武子生紇悼子公若公烏紇生平子意如  
平子生斯桓子季魴侯季寤斯生肥康子

季連

晉有堂邑大夫季連齊出自陸終第六子季連之後

季融

世本楚鬬廉生季融子孫氏焉

季隨

世本周八士季隨之後宋有季隨逢見左傳

季駟

周八士季駟之後

季夙

潛夫論晉靖公孫季夙之後

季嬰

世本晉樓季嬰之後

季尹

楚有季尹然齊有季尹平

四飯

四飯缺之後紂賢人

地駱枝

改為駱氏

案官氏志  
作他駱拔

七志

意

見姓苑

侍其

漢廣野君酈食其元孫賜以食其為氏曾孫武平帝時為侍中改為侍其氏焉

北海 侍其武生元

案漢有侍其元  
矩疑即此人

避王莽亂家北

海七代孫喬魏尚書左丞生邕邕生仁實晉廬江太守孫曼宋武昌太守

寺人

宋寺人惠牆之後

事父

宋事父氏子姓也

意如

魯季孫意如之後

八未

魏

周文王第十五子畢公高受封畢裔孫萬仕晉封於  
魏至犍絳舒代為晉卿後分晉為諸侯稱王至王假  
為秦所滅子孫以國為氏昭王生公子無忌忌孫無  
知無知五代孫歆

鉅鹿

曲陽侯漢鉅鹿太守歆居鉅鹿五代孫慶

案唐

世系表  
慶作宣

漢封北海公宣孫統統長子儔為東祖次子

植為西祖也

東祖

儔孫藪生儵意暨儵曾孫蘭根後魏僕射生

少政政生孝機孝該孝液孝機唐水部員外生高德  
刑部侍郎高德生澹温洵洵祠部郎中睦州刺史孝  
該元孫瓊京兆功曹孝液孫慤京兆功曹意七代孫  
宗敏刑部郎中生恒歸州刺史洵堂孫臯改名懿文  
邵州刺史生中庸暨生荀臺六代孫求己吏部員外  
郎中書舍人生嗣萬金部郎中嗣萬生羔羔生鸞景  
北齊司農卿鸞景生彥卿彥深彥理彥元彥卿元孫  
承休壽州刺史彥深隋著作郎孫歸仁一名克己吏



部侍郎同州刺史彥理孫實言生智本光本智本生  
亮虔州刺史光本生靖庫部郎中秦州都督靖生少  
賓少游少游刑部尚書京兆尹生友讓友順友直友  
恭友信友讓京兆司錄友順太常博士友直京兆兵  
曹彥元生浦刑戶二侍郎生正見正動正見庫部郎  
中生杳太常博士正動生傳弓監察御史

西祖 植晉御史中丞生虔虔生綏攀綏六代孫惇  
生彬文將彬生之邊皇州錄事叅軍生全恕全恕生

禮禮生綽緄緄生孟馴叔敖仲犀叔虬季龍孟馴  
左武將軍叔敖生正臣兼監察御史仲犀比部員外  
華州刺史江陵長史荆南節度生正雅殿中御史叔  
虬京兆戶曹生宏簡宏遠宏簡戶部郎中緄萬年尉  
生叔驥萬成萬成檢校員外全恕姪欽搆監察御史  
文將曾孫連城左拾遺攀元孫子建後魏益州刺史  
生叔北齊僕射生人表叔姪曾孫保家監察御史生  
行元長安尉地官尚書兼納言鉅鹿公魏元同稱東

祖意之後生廓

案唐世系表廓作士廓

隋禮部侍郎御史生义

唐濮陽令元同生悛悛恬悛悛著作郎生長裕季隋

季邁長裕河南法曹生充霓尤季隋膳部郎中季邁

長安尉悛御史主簿生方回方進廣業方回淄州刺

史方進左御史大夫生允修

案唐世系表允修作元修作循

允生叔

正蕪監察御史修郴州刺史廣業生安昇荆州刺史

案唐世系表廣業昇州刺史生甫此生安二字疑衍

生甫恬給事中鄭州刺史

生嶠嶠生黃裳開州刺史元同堂姪確

案唐世系表元同五子其

五為確此作堂  
姪與唐表異  
唐司議郎

清河 無知元孫  
諶漢清河太守  
因家焉  
裔孫充西魏開府儀同三司  
孫進唐右二府統軍  
進堂弟文博  
觀州刺史

宜陽 本居濟陰  
今已絕

任城 無知曾孫  
不害生漢任城太守  
案此下有脫名  
因家

馬不害孫相漢丞相  
高平侯裔孫舒  
晉司徒族詠之

宋荊州刺史  
今絕

宋城 唐中書令右僕射齊公魏元忠生昇昇昇太  
僕少卿昇泗州刺史

費

史記紂幸臣費仲夏禹之後楚有無極漢有費直

江夏 蜀丞相費禕巴蜀太守費觀禕孫晉巴東令  
穆之生恬晉江夏相魚復侯恬七代孫宏規唐主客  
郎中合肥男又居盧費愔晉西中郎將五代孫唐辰  
州刺史允斌晉費試成都人

汝南 後漢費長房之後

瑯琊 費直之後

河南 官氏志費連氏改為費氏

尉

鄭有尉止尉翩先賢尉繚著書號尉繚子

河南 官氏志北方尉遲部如中華諸侯也魏孝文

改為尉氏尉託奇枝為屈汗莫賀弗

案魏書無可  
考疑有脫誤

代孫後周長公侯兜

案周書長樂郡公侯兜生迴及  
綱此長字下脫樂字侯誤作侯

生迥綱迥太師相州總管蜀國公生寬誼綱後周大  
司空吳國公生運安允安允安生者福唐庫部員外  
貴

風俗通云陸終之後漢廬江太守貴遷

常山 晉武帝才人常山貴氏生東海越王石趙錄  
有司空中郎將貴霸

既

風俗通云吳夫槩王之後子孫因避仇改為既氏漢

有安南長史既涼

緯

見姓苑

魏強

魏武子支孫莊子快生強為魏強氏

蜚庶

史記秦嬴姓有蜚庶氏

九御



御

周禮有御人職因官氏馬左傳御叔漢有御長倩者  
丞相公孫宏故人

恕

音慮

楚大夫恕金

據

見姓苑云人姓

鑣

見姓苑云人姓

茹

河南 官氏志普陋茹氏改為茹氏又蠕蠕入中國  
亦為茹茹氏音去聲

御龍

劉累之後漢有侍御史御龍君

庶其

邾大夫庶其之後今沛人

庶長

秦爵也因氏馬左傳庶長無地

十遇

遇

風俗通漢有東安太守遇冲

東莞 姓苑云東莞有遇氏

樹

河東 姓苑云今河東有此姓

河南 官氏志干氏改為樹

案魏書樹洛干氏後改為樹氏此脫二字

附

後漢段熲將附都唐監察御史附德意

鑄

風俗通鑄國也堯後也在濟北虵邱縣左傳臧宣叔  
娶於鑄後世以國為氏

務

堯有務成子見易傳列仙傳務光夏時人

喻

見姓苑亦音樹

南昌 姓苑云南昌有喻氏東晉有喻歸撰西河記三卷

具

左傳晉有具丙

魏郡 後漢宦者中常侍具瑗

住

見姓苑云人姓

樹機

西河鮮卑種魏詰汾長子足孤部落徙河西傳六世  
樹機能有涼州

樹黎

後魏有蠕蠕別帥樹黎勿地來降

務成

呂氏春秋務成子堯師也又新序子夏曰舜學于務成附

趣馬

英賢傳楚趣馬厥之後後漢有南陽郡功曹趣馬思具封

鄭公子具食采開封因氏馬鄭大夫具封狐人

十一暮

路

炎帝之後黃帝封其支子於路春秋時路子嬰兒是

也案春秋路子嬰兒之路作潞

今上黨路縣漢大中大夫路溫舒

平陽 漢扶離侯路博德始居平陽今隸貝州裔孫

嘉晉安東太守孫藻生纂纂生濤後魏青州刺史生

綽神龜綽後魏陽平太守生寄奴恃愛

案唐世系表  
濤生寄奴侍

慶據此則寄奴乃  
濤孫也愛亦作慶

思令恃愛安州刺史思令生君儒

北齊員外君儒生德準

案唐世系表  
德準作德淮

唐相州刺史生

勵言勵節勵言兵部員外曹州刺史生欽正欽古勵

節刑部郎中華州刺史生欽訓鞏令

案唐世系表德  
淮子勵行鞏令

神龜後魏恒州刺史五代孫文逸

案唐世系表  
當作六代

唐中

司馬

案中司馬唐世  
系表作中州

生敬淳敬澄敬渾敬湛敬潛敬



湛雍州倉曹生暢敬潛中書舍人生廣心大理司直

廣心生常兼監察御史隋青州別駕路元伯構

案此疑有

脫藻次子纂六代孫也生操唐棗陽令操生邃元寂

元真元隱元隱元萬年主簿生恒恂愷愉恒戶部郎

中太僕少卿恂左補闕生鈞鈺鉉鈞河南功曹生惟

衡兼殿中御史惟明監察御史鈺生寰江西觀察兼

中丞京兆三原稱與勵行同承藻藻子建建六代孫

充隋兵部侍郎

案充唐世系表作克

生文昇唐平愛秦三州刺

史生元濬

案元濬唐世系表作元獻

元哲元濬司勳吏部二郎中

廣州都督生幼玉監察御史

案唐世系表幼玉生齊暉齊暉生巖季登此作

幼玉生幾季登中  
缺一代幾作巖

生季登幾幾監察御史生長興季

登諫議大夫生羣羣生巖巖獻少子晚金果州刺史

元哲生太一太原令太一生梁客劔客梁客岳州刺

史生黃中

案唐世系表梁客生愆  
愆生黃中此缺一代

劔客改名嗣恭戶

部尚書廣州都督生應恕憑應宣欽觀察恕太子詹

事廊坊節度使生異化州刺史異生楷司農卿憑侍

御史

潁川 石趙有揚州刺史路永襄城陳留安定並舊  
望云溫舒之後

東陽 梁天監十八州譜路氏一卷東陽鉅鹿譜舊  
望

河南 後魏官氏志設真氏改為路

露

露伯夏殷侯國也子孫以國為氏焉露氏譜越王勾

踐七代孫閩君搖漢封東甌王搖別封其子為露余  
侯因氏馬初居會稽吳郡漢分會稽為吳郡遂為郡  
人吳丞相露雍弟徽侍中又居鹽官徽十代孫越陳  
黃門侍郎生允唐著作郎撰國史餘杭公生琮尚書  
左丞天官侍郎平章事生潤俊潤秘書監俊齊安太  
守宋倉部郎中露訓稱與琮皆周丞相徽後六代孫  
續鄆州刺史又吏部尚書露少連著作郎露沉並吳

人案唐書無露琮又吳志無露雍  
或因上路氏家譜牽連及之

步

左傳晉大夫步揚之先食采于步因氏焉又有步昭  
步毅本郤氏仲尼弟子步叔乘齊人

臨淮 吳丞相臨淮侯步騭生闡丞相吳志有傳  
河南 官氏志步鹿氏改為步氏

庫

風俗通古守庫大夫因官命氏漢文景時有倉氏庫  
氏後漢竇融傳有庫輔庫義庫侯

河南 官氏志庫偁後改為庫氏

顧

風俗通有上黨都尉顧平

度

古掌度支之官因以命氏

潞

國語潞泉潞備皆赤狄隗姓也

慕容

高辛少子居東北夷後徙遼西號鮮卑國于昌黎棘城至涉歸為鮮卑單于自云慕二儀之德繼三光之容或云以冠步搖步搖冠音訛改為慕容氏

昌黎 涉歸生傀 傀生皝 皝生雋 雋號前燕 初都棘城 弟垂號後燕 都中山 弟德號南燕 都廣固 徙東郡 三燕七主共五十餘年 郢子恪前燕太原王 生楷 騰 瑾 曾孫恃德 北齊義安王 孫孝幹 唐易州刺史 郁 孫紹宗 北齊僕射 武威公 生三藏 隋金紫光祿大夫 孫知

廉侍御史知晦兵部郎中汾州刺史知晦生珣吏部  
侍郎珣生損渝州刺史三歲再從孫善行萬年丞條

史珣生白耀榮

案此疑有脫文

慕容五代孫冲仲

慕利

後魏有吐谷渾主慕利延與慕容氏同祖也

慕輿

鮮卑慕容氏音訛為慕輿氏

庫狄



鮮卑段疋碑之後避難改姓庫狄居代北後遷中夏  
河南 後魏上洛太守庫狄陵生保真保真生峙周  
宣州刺史生巍徽崧徽生璠益州總管樂成公崧生  
仁志千牛郎中仁志生益利益利生履溫庫部郎中

庫成

風俗道曰本亦苦城也方言音變為庫成燉煌實錄  
廣平太守庫成防從孫尪

素和

鮮卑檀石槐之支裔後魏有尚書素和跋弟毗右將  
軍素和突後魏書云以本白部故號素和孝文改為  
和氏

河南 大厯太子左學士素和顏

路洛

伯益支孫又以路洛為氏晉路洛賈見史記

步大汗

出自塞北遷中土河南周南夏州刺史新興侯步大

汗提生執勢生威唐蔚州刺史安邑男

案北齊書步  
大汗薩隨公

朱入洛齊受禪  
改封義陽郡公

庫儻管

改為庫氏前燕錄岐山公庫儻管泥生律後燕太師  
安定王又有西河公庫儻管樂大司農庫儻管統

庫六斤

改為斤氏

大洛稽

改為稽氏

破六韓

其先代人隨魏南徙河南後魏金紫光祿大夫破六  
韓祥生常北齊司徒平陽導昇北齊儀同林松王生  
金藏唐岐州別駕後魏又有莫駕侯利嚴破六韓渾  
生枝枝生景隋東武公景生蕃唐宋州刺史始興男

匡矩 崇呼爾貌後為潘六奚後又訛為破六  
韓破六韓常乃孔雀之子此云祥誤

破也頭

與費也頭同

破落那

大宛之後改為那氏

十二霽

惠

周惠王支孫以謚為姓戰國惠施為梁相交趾太守

惠乘太僕惠根

琅邪 惠根孫嚚為北海太守子孫因居琅邪後漢

有揚州刺史惠整吳人吳侍中惠謙晉陵太守惠松

宋步兵校尉惠纂

春

桂音

或作吳漢衛尉春橫彭城漢上計掾春景雲見姓苑

城陽 後漢陳球碑城陽吳橫被誅有四子守墳墓

改姓吳氏一子居徐州郡雲之先也姓春氏一子居

幽州姓桂氏一子居華陰姓快氏字皆九畫以避難

也魏志呂虔傳胡陸有吳母

計

國語計然為越大夫范蠡師云本夔邱濮上人姓辛  
字文子其先晉國公子也風俗通漢計子勲為司空

掾

薊

神僊傳薊子訓不知何許人

勵

風俗通後漢魏郡太守義陽侯勵溫見功臣表吳志

以孫秀奔魏改姓勵氏

稅

盛宏之荊州記云建平信陵縣有稅氏昔君王巴蜀

案荊州記作蜀  
王樂君此脫

蜀王見廩君兵強結好飲宴以稅氏

五十人遺廩君

羿

左傳有窮后羿篡夏后相之位

杖



王莽大司馬林並見姓苑

第五

出自齊諸田之後田氏漢初徙奉園陵者故多以次第為氏

京兆長陵 後漢司空第五倫字伯魚生頡將作大監匠倫曾孫種兗州刺史又護羌校尉第五訪亦京兆人

上元黃門侍郎平章事第五琦生峯平申峯台州刺

史平京兆兵曹中兼御史中丞

第八

陳留 風俗通亦齊諸田後田廣弟英為第八門因  
氏馬王莽時講學大夫第八矯

荔菲

西羌種類也隋有荔菲雄涇州人誅唐彭州刺史荔

菲 案此下脫名通志亦闕名曰甚 生寶應節度荔菲元禮寧州人

十三祭

衛

周文王第八子康叔封於衛傳國四十餘代秦末國滅子孫以國為氏漢丞相建侯衛綰

河東安邑縣 狀云晉太保衛瓘生恒恒生玠裔孫

隋虞州刺史神泉公盛盛生孝節唐左武衛大將軍安邑 後魏步兵校尉衛卧龍亦稱玠後五代孫知

敏唐給事中吏部郎中汝州刺史生固損宏敏三從弟元經蘄州刺史戶部郎中衛畿道徙京兆水部員

外衛惟良亦安邑人虞部員外巴令陝虢觀察衛次  
公御史中丞循王傅衛晏子中行令禮部員外國子  
司業衛密子開元衛堪弟倚生象侍御史並河東安  
邑人大厯檢校戶部尚書荆南節度使衛伯玉三原  
人

芮

左傳周司徒芮伯同姓國也芮伯萬之後為晉所滅  
漢鉅鹿太守芮強吳郡太守芮珍丹陽人今望扶風

羸

左傳士會支子士魴食采於羸邑在平陽北故號恭

子

喬

見姓苑

祭北

國名也女為舜妃黃帝史官子孫因氏馮翊衙縣人

案姓氏辨証

引作祭北

十四秦

蔡

周文王第十子蔡叔度生蔡仲胡受封蔡後為趙所滅子孫以國為氏晉有蔡墨秦相蔡澤漢功臣表肥如侯蔡演演元孫義義元孫勳後漢為長安邳長後徵不起勳曾孫攜

濟陽考城縣 攜生稜質稜生邕質始居陳留分為濟陽因為郡人質元孫克從祖謨晉永嘉同過江克

六代孫點梁司空安豐公孫秦客唐金部郎中客姪

真清鄆州刺史大業後梁左

案此下有脫文

戶尚書生克恭

秦府學士太子洗馬質元孫克生晉司徒謨謨元孫  
興宗吏部尚書生樽樽孫凝凝子君和

南陽 魏有蔡睦晉有蔡秀秀八代孫麗梁琅琊太  
守元孫杭唐左武侯長史

朔方 漢末丕為五原太守因居之裔孫招元孫澄  
唐左衛郎將

丹陽 狀云質後唐司勳郎中希寂

艾

晏子春秋齊大夫艾孔之後即左傳喬款也風俗通

龐儉母艾氏南燕有牙門艾江又東平太守艾詮

北平 唐御史大夫艾敬直

河南 官氏志侯斤去斤並改艾

案魏志侯伏斤氏改伏侯伏斤改斤

賴

左傳賴國為楚所滅以國為氏漢有交趾太守賴先



蜀零陵太守賴文唐光祿少卿賴文雅

南康

唐秘書郎賴業本汀州人後魏虔州

案此下有脫文

大

風俗通大庭氏之後又大填大山稽黃帝師大顛為

顛頊師

案古今人表顛作歌

禮記曰大連東夷之子

會

鄒仲之後避難去邑為會氏風俗通云陸終之子乙  
之後漢武陽令會栩

太

尚書文王四友太顛之後今咸陽有太氏

帶

六國時有帶他見姓苑

充

見姓苑

太傅

漢有太子太傅踈廣曾孫彥則避王莽亂於太原因

氏馬

太陽

風俗通衛大夫太陽速晉有太陽狀為卿

按左傳為戲陽速

太士

太士氏永嘉人建安太守太士靈秀今松陽有此氏

太師

商有太師摯周有太師疵

按玉篇無疵字疑即疵字

太伯

周古公之子吳太伯之後

大羅

周禮大羅氏掌鳥獸其後以官為氏秦有將軍大羅

洪

大季

世本鄭穆公生大季子孔志父之後

案杜預世譜士子孔生大季士

子孔穆公子也此誤

大臨

衛大夫大臨氏

蔡仲

蔡仲胡之後趙將有蔡仲其

十五卦

解北

改為解後魏別帥解北莫弗憐豆建

十六怪

祭

左傳周公第五子祭伯子孫以國為氏鄭有祭仲足  
周有祭公謀父

蒯

風俗通云晉大夫蒯得之後見左傳禮記漢有蒯徹  
涿郡范陽縣漢書齊辯士蒯通本名徹與漢武帝  
同名遂改又有上庸長蒯躬後漢末有蒯越字異度  
官至光祿勳生宗蘭陵丞宗生恩

介

左傳有介之推琴操作介子綏神仙傳吳有介琰介象

十七夬

快

漢書齊人快欽治尚書